

AUGLÝSING

um skipulagsmál í Norðurþingi.

Breyting á deiliskipulagi miðhafnarsvæðis á Húsavík.

Á fundi bæjarstjórnar Norðurþings þann 18. september 2012 var samþykkt breyting á miðhafnarsvæði Húsavíkur í Norðurþingi.

Í deiliskipulagsbreytingunni felst að öll lóðarmörk og byggingarreitir eru endurskoðuð og fjöldi hæða er skilgreindur nánar. Gert er ráð fyrir nýrri aðalgönguleið og bílastæðum meðfram hafnar-kanti auk nýrra flotbryggja og torgsölusvæða. Deiliskipulagsbreytingin byggir að hluta á breytingu á aðalskipulagi Norðurþings 2010-2030 sem var auglýst samhliða deiliskipulaginu.

Með samþykkt þessa deiliskipulags fellur úr gildi deiliskipulag af svæðinu frá 1998.

Deiliskipulagsbreytingin hefur hlotið þá meðferð sem skipulagslög nr. 123/2010 mæla fyrir um og öðlast hún þegar gildi.

Breyting á deiliskipulagi hesthúsasvæðis við Saltvík.

Á fundi bæjarstjórnar Norðurþings þann 20. nóvember 2012 var samþykkt breyting á hesthúsa-svæði við Saltvík í Norðurþingi.

Í deiliskipulagsbreytingunni felst að felldar eru út þrjár lóðir en aðrar sex lóðir stækkaðar. Auk þess er staðsetning og lögur lóða, gatna, bílastæða, kerru- og rúllusvæða aðlagð nýjum forsendum, en heildarsvæði mannvirkja er nánast óbreytt.

Farið var með deiliskipulagsbreytinguna sem óverulega skv. 2. mgr. 43. gr. skipulagslaga nr. 123/2010 og breytingin grenndarkynnt. Grenndarkynningu lauk með áritun nágranna til samþykktar á uppdrátt breytinganna.

Með samþykkt þessa deiliskipulags fellur úr gildi deiliskipulag af svæðinu sem samþykkt var í sveitarstjórn Norðurþings 21. september 2010.

Deiliskipulagsbreytingin hefur hlotið þá meðferð sem skipulagslög nr. 123/2010 mæla fyrir um og öðlast hún þegar gildi.

Húsavík, 21. nóvember 2012.

Gaukur Hjartarson, skipulags- og byggingarfulltrúi.